

25.7.2017.



Danas je u “Biznis centru Goražde” održan sastanak:“Dualni sistem školovanja“ u organizaciji Udruženja poslodavaca BPK Goražde na kojem su prisustvovali poslodavci, predstavnici obrazovanja, te **Dina Ušanović** koja je zaposlena u firmi “Allterra Deutschland GmbH” u Munsteru u Njemačkoj i **Almedina Ušanović – Fetahović** – direktor za razvoj u firmi HSO Herbert Schmidt - Solingen koje su upoznale goraždanske poslodavce i zaposlene u obrazovanju sa sistemom rada u kompanijama u Njemačkoj i razgovarali o mogućim novim projektima u Goraždu, te kako pružiti podršku i pomoći u razvijanju školskog sistema u BPK Goražde.



Također su prenijeli znanje i iskustva funkcionisanja njemačkog sistema obrazovanja.

Posebno se razgovaralo o realizaciji praktične nastave u kompanijama, odnosno sa

nastavnim planom i programom za galvanizere i mogućnosti organizovanja ovog zanimanja u Goraždu.

Cilj sastanka je bio i sagledavanje i približavanje njemačkog sistema obrazovanja, odnosno mogućnost primjene tog sistema u Bosansko-podrinjskom kantonu Goražde.

Također, razgovaralo se i o dolasku njemačkih stručnjaka u Goražde na nastavu ili slanje nastavnog kadra i učenika eventualno na obuku u Njemačku.



Zaključeno je da Goražde treba biti prvi kanton koji ima dualni sistem školovanja, te da je potrebno da se ova oblast institucionalizuje.

Jedan od Zaključaka je bio da se doneše Pravilnik o praktičnoj nastavi.

Na kraju je rečeno da je dualni sistem školovanja dugotrajan proces, te da nije potrebno samo promjeniti Zakon o srednjem obrazovanju, već i Zakon o osnovnom obrazovanju, jer djecu treba

usmjeravati već u toj dobi života.

